

Salam Sayang

hasil karya
Juraida Miswari



Prakata oleh Pengerusi MLLPC



Profesor Madya Dr. Muhammad Faishal Ibrahim

*Setiausaha Parlimen Kanan
Kementerian Pendidikan dan Kementerian Pembangunan
Sosial dan Keluarga
Pengerusi, Jawatankuasa Pembelajaran dan
Penggalakan Penggunaan Bahasa Melayu (MLLPC)*

'Pelajar Aktif, Pengguna Cepak' merupakan matlamat pembelajaran Bahasa Ibunda di Singapura. Murid-murid haruslah dibekalkan dengan bahan bacaan yang kreatif untuk mendorong minat mereka terhadap pembelajaran Bahasa Ibunda. Lebih banyak bahan bacaan yang dapat mereka akses, lebih baik natijahnya.

Siri Nabil dan Nabilah telah diilhamkan pada tahun 2015 untuk murid-murid sekolah rendah khususnya bagi Darjah 1 dan 2 dengan tujuan untuk menambah jumlah bahan bacaan tempatan bahasa Melayu. Buku-buku yang dihasilkan oleh guru-guru Bahasa Melayu Singapura ini telah mendapat sambutan baik daripada kanak-kanak, ibu bapa dan juga para pendidik.

Lanjutan daripada maklum balas tersebut, Siri Nabil dan Nabilah diteruskan untuk murid-murid Darjah 3 dan 4 pula. Terdapat pembaharuan yang telah dilakukan terutama sekali aspek jalan cerita dan penampilan watak-watak dalam siri tersebut agar dapat memenuhi cita rasa para pembaca yang berusia antara sembilan hingga sepuluh tahun. Selain itu, aktiviti-aktiviti susulan setelah membaca disediakan untuk membolehkan ibu bapa dan ahli keluarga terlibat sama. Aktiviti membaca bersama-sama keluarga dapat memupuk sikap-sikap positif dan berpotensi menanamkan nilai-nilai yang baik.

Guru merupakan golongan yang dekat dengan murid. Mereka mengenali minat dan cita rasa murid. Oleh hal yang demikian, setiap sumbangan guru dalam penghasilan siri buku bacaan ini amat dihargai. Kepada guru-guru yang telah menyumbang dalam penulisan buku cerita ini, saya mengucapkan syabas dan ribuan terima kasih.

Besar harapan saya agar usaha ini dapat diteruskan dan lebih banyak karya dapat dihasilkan demi kemajuan dan pembangunan intelek anak-anak kita. Semoga mereka bakal menjadi pengguna bahasa ibunda yang cekap dan yakin serta berbangga akan bahasa dan budaya Melayu.

*Burung punai di pucuk rebung,
Anak kedidi terbang berempat;
Bahasa disanjung budaya dijunjung,
Majulah seni bangsa berdaulat.*

PENGHARGAAN

Para Penulis Buku Darjah 4

Salina Hussin

Suzannah Yahaya

Suriani Sokran

Md Hizammuddin Md Yusof

Juraida Miswari

Suzannah Miswari

Nurhidaya Mohd Sidik

Suhainis Samsi

Sarifah Hassan

Nur Syazwani Shaibani

Mulianya Hatimu

Bo, Bo, Boling!

Terima Kasih

Planet Ceper

Salam Sayang

Pasar Malam

Pulau Semakau

Kota Singa

Di Manakah Ayah?

Cinta T

Pengurusan Pembinaan Buku

Penasihat Projek

Editor

Sekretariat MLLPC

Zafilin Abdul Hamid

Zainaba Omar

Siti Fazila Ahmad

Murshidah Hassan

Nasrudin Raja Sulaiman

Nur Fa'izah Matnoor

Nur Sifa Hussin

Mislimah Misti

Salam Sayang

hasil karya
Juraida Miswari




Nabil dan Nabilah sangat teruja untuk mengikuti perkhemahan sekolah. Segala kelengkapan telah tersedia, hanya menunggu harinya.

Berus gigi, ubat gigi dan lima helai kemeja-T.

Syampu, selipar, ubat penghindar serangga dan tuala.

BOLA!






Abang ingin sekali melakukan aktiviti memanjat tembok.

Adik ingin meniti tali!

Mereka berdua mula membayangkan aktiviti yang menjadi idaman.



Nabil dan Nabilah, hari sudah lewat malam. Esok kamu berdua perlu bangun pagi.



Malam itu Nabilah gelisah. Sukar baginya melelapkan mata. Tubuh Nabilah terasa hangat. Bisa di badan pula terasa sangat.




Sebelum ibu Nabilah tidur, dia masuk ke bilik Nabilah. Ibu memegang dahi Nabilah.

Eh, Nabilah demam!




Pada keesokan hari, Nabil ke bilik adiknya. Nabil sedih kerana adiknya tidak boleh ke sekolah.



Abang, saya tidak dapat pergi berkhemah.

Namun, Nabil berjanji akan berkongsi pengalamannya di perkhemahan itu bersama adiknya.



Abang, jangan lupa ambil gambar setiap aktiviti yang dijalankan.

Nabilah rehat ya. Abang akan muat naikkan gambar-gambar itu setiap malam.

BLOG NABIL

Saya sedih sekali adik saya, Nabilah, tidak dapat ikut serta dalam perkhemahan sekolah. Saya akan rakamkan semua kenangan di blog saya agar dapat dikongsi dengan Nabilah.

Salam sayang ...



Hari yang dinanti-nantikan Nabil dan kawan-kawannya pun tiba. Sampai sahaja di tapak perkhemahan, semua murid tertib menunggu.



Sebelum menjalani aktiviti perkhemahan, mereka diberikan beberapa arahan. Beg yang dibawa harus disusun dan tempat tidur haruslah teratur. Setiap kali ingin ke tandas harus memberitahu guru yang bertugas.





Apabila malam tiba, semua murid diberikan masa untuk menghubungi keluarga mereka.

Seperti yang dijanjikan kepada adiknya, Nabil menulis segala kegiatan siang hari di dalam blognya. Semuanya dicatat dengan teliti.

BLOG NABIL

Hari Pertama (Kenal Suai)

Saya dan rakan-rakan berkumpul di tapak perkhemahan sambil mendengar taklimat guru. Kami tidak sabar untuk memulakan aktiviti.

Kami dibahagikan kepada beberapa kumpulan kecil. Saya dan Adam di dalam kumpulan kuning. Hari ini, kami melakukan aktiviti kenal suai. Seronok sekali dapat berkenalan dengan rakan-rakan dari kelas lain!

Salam sayang ...

Pada hari berikutnya, Nabil dan rakan-rakannya bangun awal-awal lagi. Bergegas mereka semua menyiapkan diri. Nabil tersenyum melihat telatah rakan-rakan yang menggelikan hatinya.



Apabila malam menjelang, Nabil menyambung penulisannya...

Hari Kedua (Aktiviti Memanjat Tembok)

Hari ini, saya memanjat tembok yang sangat tinggi. Saya harus fokus semasa memanjat. Seram rasanya tetapi saya memberanikan diri. Saya harus mencari celahan batu yang boleh dipegang ketika memanjat.

Degupan jantung saya memuncak ketika menuruni tembok itu. Saya bertambah yakin dan bersemangat apabila mendengar rakan-rakan bersorak memberi galakan.

Salam sayang ...



BLOG NABIL

Hari Kedua (Aktiviti Meniti Tali)



Seterusnya saya dan rakan-rakan berpeluang meniti tali. Pada mulanya saya gerun apabila melihat ke bawah. Namun setelah memberanikan diri, saya dapat meniti tali dengan memegang tali itu dengan erat dan bergerak perlahan-lahan ke tempat persinggahan yang disediakan.

Hari Kedua (Aktiviti Berkumpulan)

Walaupun keletihan, kami seronok melakukan aktiviti lasak itu. Kami mempelajari cara memupuk sifat yakin diri dan bekerjasama dalam kumpulan.

Sukar bagi saya untuk menggambarkan keseronokan itu. Saya berharap gambar-gambar ini dapat menyampaikan perasaan itu.

Salam Seayang




Hari terakhir perkhemahan tiba. Nabil dan kawan-kawannya diajar untuk membina sebuah khemah dan membuat unggun api.

Hari Ketiga (Mendirikan Khemah)

Kami berpeluang mendirikan khemah pada hari ini. Aktiviti ini benar-benar menguji daya tahan dan daya bingkas kami. Setiap kali khemah yang didirikan roboh, kami harus mendirikannya semula. Kami belajar erti kesabaran dan keyakinan. Walaupun saya sedih untuk berpisah dengan rakan-rakan, saya tidak sabar untuk pulang bertemu Ibu, Ayah dan Nabilah!

Salam Sayang ...






Ibu, Ayah, Nabilah!
Abang sudah pulang!

Glosari

| Perkataan | Maksud |
|-------------------------------|---|
| telatah (hlm. 14) | kelakuan / perangai |
| bersemangat (hlm. 15) | berkemahuan tinggi untuk melakukan sesuatu |
| meniti (hlm. 16) | berjalan di atas titian atau jambatan |
| erat (hlm. 16) | kuat-kuat |
| gerun (hlm. 16) | takut |
| daya bingkas (hlm. 18) | kemampuan untuk mencuba berkali-kali dan tidak berputus asa |






Aktiviti Bersama Keluarga

Nama Aktiviti: Membuat Blog

Langkah-langkah membuat blog:

- 1) Terangkan kepada anak anda bahawa blog seperti diari di alam maya.
- 2) Terangkan peraturan-peraturan kesejahteraan siber. Contohnya, usah berikan terlampau banyak butiran peribadi.
- 3) Letakkan alamat e-mel.
- 4) Blog satu entri tentang pengalaman menarik yang dilalui bersama keluarga.



© 2018 Kementerian Pendidikan Singapura

Hak cipta terpelihara. Tidak dibenarkan mengeluarkan ulang, menyimpan atau menerbitkan semula mana-mana bahagian isi kandungan buku ini dalam apa jua bentuk sama ada secara elektronik, fotokopi, rakaman atau cara lain sebelum mendapat izin bertulis daripada pemilik hak cipta buku ini.

Diterbitkan oleh



Ministry of Education
SINGAPORE



Malay Language Learning
and Promotion Committee

**Kementerian Pendidikan Singapura
dan
Jawatankuasa Pembelajaran dan Penggalakan
Penggunaan Bahasa Melayu**

Illustration and Design by Thoughts Creations
Email: sales@thoughts.com.sg

First published 2018

All rights reserved. No part of this publication may be produced, stored in a retrieval system or transmitted, in any form or by any means, electronic, mechanical, photocopying, recording or otherwise, without prior permission of the copyright owner.

SALAM SAYANG
ISBN 978-981-11-6418-7

Printed in Singapore

